



自太平山南峯俯視山頂公園

，有小童與幼童鞦韆，鐵索橋與鉄架及小花圃等，花圃旁山坡小樹密集，年前曾有松鼠羣出沒。

觀景亭在公園上方，亭上外望可盡見九龍半島及港海景色，可補山頂觀望不及之處，自纜車站旁之老觀亭拆毀後，柯士甸山道之觀景亭取代其位，抑且此亭位置較高，與老觀亭比，猶勝一籌，即與今時之山頂塔上之收費天台花園比較，亦無不及。

(四)環山大路

太平山之環山大路由夏力道與盧吉道兩路合成，纜車站前之入口為盧吉道，山頂餐室側之路口則為夏力道，如在上午，宜先取盧吉道，下午則應取夏力道，否則陽光耀眼，微有不便。盧吉道初段樹木礙景，且有車踪，無甚足觀，待遇盡車路，轉過山咀，即至天橋部份，此處可暢覽港九市區及太平山以北之全部景色，與太平主峯上所見者應無分別，山頂既不能登，惟於此處賞覽山北風景，天橋下有兩大石，一肖豬，一肖龜，為一異景。近月來因進行



石龜豬頭石



鑪峯酒家

探測中區至西區半山一帶之山坡土壤岩石安全程度之工程，於天橋下方架搭一系列竹木棧道通走天橋與張保仔古道及干德道之間，棧道或橫或直，別具一格，惟非工作人員不能履足其上，遊人只能於天橋上俯瞰欣賞，過盡天橋為石路，右方又有樹蔭，前行再遇車路，未幾轉出西高山坳，坳上為一大廣場，可供休憩，由此至山頂餐室，為夏力道範圍，沿途有數處草坪可供駐足嬉遊及欣賞港南諸島之面影，近出日處且有一小瀑布，水盛時甚為壯觀。

獅子亭

此亭在纜車站旁之芬梨道上，前行數分鐘即至，亭分兩層，依中國亭院方式建做，為獅子會所捐建，今年中秋前始完工開放，為山頂區一最新遊覽地點。

遊太平山，以夏秋之間為最適宜，冬季風猛天寒，每有高處不勝寒之感，而春日多霧，登山一無所見，惟偶一登臨，穿插濃霧之中，亦有意外之趣。